


# ԴՐՈՇԱԿ



## „ՀԱՅ ՅԵՂԱՓՈՒԱԿ. ԴԱՇՆԱԿՑՈՒԹԵԱՆ“ ՕՐԳԱՆ

Մարտ, 1893 թ.

Ռգևորութեան շրջանը վաղուց անցել է. բացառիկ անցքերով գրգռված հասարակութիւնը թուլացաւ և Լքվեց, հենց որ չը կրկնվեցին նոյնատեսակ դէպքեր. միւս կողմից, հասարակութեան և երիտասարդութեան մասնակցութիւնը յեղ ափոխական կազմակերպութեան մէջ որոշ չափով սահմանափակվեց:

Այդպիսով, ըստ երևոյթիս, մենք գտնվում ենք անմիտար պատկերի առաջ:

Մենք յորոշակի՞ Յ համարում արդէն առիթ ունեցանք այդ մասին խօսելու և այժմ էլ առանձին հըրձուանքով կը կամենայինք շեշտել այդ պատկերի խաբուսիկ անմիտարութեան վրա:

Այ՛ո. թող այդ պատկերը չ՛ դայթակղէ և ոչ մի հաւատացող և գգայուն ոգի, գործի գրաւակներ ոչ բուրժուա հասարակութեան տատանմունքներումն է և ոչ էլ երիտասարդութեան անմիտ և կեղծ ներկայացուցիչների ասեկօսէներում. այդ գրաւականը այնտեղ է... այնտեղ, հեռու - ժողովրդական կեանքի խորքերում, ամենակարող ամբոխի մտքում, նրա որոշ տրամադրութեան մէջ. ժողովուրդն է այն տարրը, որին հարկատու է ազատութիւն և որին է միայն վիճակված իր ազատութեան համար անասելի զոհեր կրելու...

Այդպէս պէտք է վերաբերվել հարցին ոչ միայն խընդիրը հիմնովին հասկանալու համար, այլ և այն պատճառաւ, որ այդ դէպքում միայն զանազան պատկերներ՝ կարող են ըստ արժանոյն գնահատվել: Այդ տեսակետից՝ յՀայ Յեղափոխական Դաշնակցութիւնը՝ այսօր - ինչպէս և մի ամբողջ տարի առաջ - համարձակօրէն պնդում է, որ եթէ մեր առաջ այսօր կայ որ և է պատկեր՝ ապա միմիայն փայլուն և միանգամայն յափշտակող պատկեր: Ով սիրտ ունի թող զգայ. ով մտածելու կարողութիւն ունի՝ թող նայէ իրերին այնպէս, ինչպէս կան:

Բանը նրանումն է, որ նախորդ ընդհանուր հրապոյրը հայկական խնդրով գլխաւորապէս առաջացել էր

այն ցոյցերից, որ տեղի ունեցան Տաճկաստանի մեծ կենտրոններում, այն տեղերում, ուր ազատութեան ձրգտումը և հետևաբար կռուի անհրաժեշտութեան գիտակցութիւնը աւելի վաղ պիտի արտայայտվէր: Սակայն այդ ցոյցերը ինքնըստինքեան ոչ այլ ինչ են, եթէ ոչ գործի համար անհրաժեշտ խառնուրդ, ժողովրդի վրա որոշ չափով ազդող և յեղափոխական պատրաստութիւն ներշնչող մի միջոց - և միմիայն: Բացառապէս ցոյցերով, այն էլ հեռուոր կենտրոններում, ոչ մի ժողովուրդ չէ ազատվել և չի ազատվել: Դորա համար պահանջվում է յարատև բնակողութիւն և ահարկու ծաւալ ունեցող կռիւ, որ կարող է տեղի ունենալ միմիայն հայութեան մեծամասնութեան, հայ ժողովրդի անմիջական մասնակցութեամբ: Այս դէպքում միայն գործը ազատ կը լինի հազար տեսակ պատահական հանգամանքներից, այս դէպքում միայն նոյն իսկ քաղաքային ցոյցերը կը դառնան քրօնիկական անբուժելի ակտ կառավարչական օրգանիզմի համար:

Արդ, ինչ պատկեր է ներկայացնում ժողովրդական կեանքը այդ տեսակետից:

Վասպուրականցին այսօր ոչ միայն չէ խոնարհվում բազմութիւ բանտարկութիւնների և անասելի անգթութիւնների առաջ, այլ և պատասխանում է դրանց մի շարք տեւօրական գործողութիւններով: Այստեղ սպանվում է լրտեսը, այնտեղ ոստիկան ծառայողը, իսկ գաւառի խորքերում քուրդ աւազակապետը, հայ հրօսայիմքի հետ ընդհարվելով կոցնում է իր մարդկանց մեծ մասը: Վան տանող մի ճանապարհին նորերս նահատակվում են զէնք փոխադրող հայ գիւղականներից Յ հոգի: Ալաշկերտցին՝ տանջված, մաշված, չքաւորութեան հասցրած ալաշկերտցին՝ այսօր զինվել է յխտտորնակին խոտորնակի՝ սկզբունքով և քրդերի յարձակումներին պատասխանում է միևնոյն գրամով. քուրդը իր ամբողջ պատմութեան մէջ առաջի անգամն է, որ ստիպված է մտածել իր կեանքի և գոյքի ապահովութեան մասին հայերից: Սարբէկ մշեցին պատժում է իր լրտեսներին և ոչ մի սպառնալիքների առաջ եր-

կիւղ չէ կրում յանցաւորներին ճածկելու, պաշտպանելու: «Չէք ք, զէք տուէք... ասում է Մշոյ ամեն մի դիւղը աժմ. «Տաղարաւոր տղերք կը փափագեն դորձ տեսնել... Եւ ճշմարիտ. անցեալ դեկտեմբերին յանդուգն կուում նա հաստակած Ասատուրը, այնուհետ Արաբոյի հրոսախումբը, Աւոն երիտասարդը իր ընկերներով, Հասարթ Մաստեի-Մեյքոնեանը, նրա եղբայր Աւետիսը, Մարգարեան Թորոսը և ուրիշները աւելի քան կենդանի ապացոյցներ են յիշեալ «կորուկները» դոյութեան: Սասնոյ հարկատու դիւղերը միւս անգամ դիւղերի վիճակն են ձեռք բերում... Բանտարկեաններին փախցնելը և ձերբակալվածներին թշնամու ձեռքից խլել և անյայտացնելը նոյնպէս յեղանկոխական որոշ տրամադրութիւն արտայայտող երևոյթներ են, որ նկատվում են հայ ժողովրդի կեանքում վերջին ժամանակներս:

Միւս կողմից ուշադրութեան արժանի է կառավարութեան երկիւղը և զգուշութիւնը, որով նա աշխատում է չը դրգուել հայ ժողովուրդը. փաստ է, որ մասնիչներին և անփորձ մեղադրեալներին ցուցմունքներից կառավարութիւնը ամեն անգամ չէ օգտվում նոր ձերբակալութիւններ անելու համար: Այդ արդէն աւելի քան պարզ նշան է, որ թիւրք կառավարութիւնը նկատուած թշնամու աճող ուժը:

Ինչքան և նշանաւոր են այս փաստերը ինքնըստինքեան, բայց աւելի նշանաւոր է դրանց ամբողջութիւնը-ընդհանուր ներքին խորհուրդը և այն հեռեականութիւնը, որով չը նայած ոչ մի տեսակ դժոխային պայմաններին՝ այնուամենայնիւ օրեցօր աւելի ևս բնիմանում են սորա: Ճշմարիտ է այս փաստերը անդուհ չեն բարձրացնում, որովհետև կատարվում են լրագրական, դիպլոմատիական և հեռագրական կենտրոններից դուրս. ճշմարիտ է դրանք չեն տարածվում աշխարհիս բոլոր ծայրերը. ճշմարիտ է դրանք չեն արժանանալ յուշատարեալ Եւրոպայի՝ ուշադրութեան և ոչ միայն Եւրոպայի, այլ և մեր անմիտ հասարակութեան մի նշանաւոր մասի, որը շնորհիւ իրեն յատուկ կապութեանը ոգևորվում է այն չափով, որ չափով մեր դժբերով հետաքրքրվում են օտարները. բայց մենք ողջունում ենք այս երևոյթները ՚ի բոլոր սրտէ, անարտայայտելի յափշտակութեամբ, որովհետև դոքա, անկասկած, վեկայում են յեղափոխական շարժման զարգացումը ժողովրդի մէջ... Այստեղ արտաքին էֆֆեկտներ, աղմուկ և սենսացիա քիչ է, բայց այստեղ է ապագայ խաղընող աղմուկի գրաւականը, այստեղ են ապագայ կուրացնող էֆֆեկտների սերմերը, այստեղ է ապագայ յաղթական մեծ տօնի նախապատրաստութիւնը...

Տ Ե Ս Ո Ւ Թ Ի Ի Ն Ա Մ Ս Պ Ո Ւ Ր Ա Կ Ա Ն Ի

Մինչդեռ տաճիկ կառավարութիւնը իւր սովորական ճնշումների վրա աւելացնում է նոր, աւելի քաղաքակրթութեամբ ձևի ճնշումներ. մինչդեռ նա, խստաբար հաւածելով մեզ կենդանութեան ամենաթեթեւ նշոյլ անգամ նկատելուն պէս, շոյում, վարձատրում է լրտեսներին, դաւաճաններին, հաւատափոխներին, անպատիթ թողնում ժողովրդի հարստահարիչ զանազան տեսակ անազակներին, միևնոյն ժամանակ այս կամ այն մահանայով խլում է հայերի ձեռքից հողերը բրդերին յանձնելու համար. մի խօսքով մինչդեռ նա ձգտում է ամեն միջոց դորձ դնելով ստորացնել մեզ բարոյապէս և նիւթականապէս, - դարերից ՚ի վեր ճնշված հայի տրամադրութիւնը զգալի կերպով փոխվում է: Ստորդրեալ խղճալի «Փլան» (այս խօսքով են անուանում հայերին քրդերը) աժմ գործով է ցոյց տալիս իւր բողոքը, բազկի ուժով է պատասխանում իր բոլոր ճնշողներին, դաւաճան-Յուդա եղբայրներից սկսած մինչև անազակ աղաները և ապականուած կառավարչական պաշտօնեաները:

1892 թուականը պէտք է նշանաւոր համարել մեր երկրի յեղափոխական դործի համար:

Դեռ տարին նոր էր սկսվում, երբ քաղաքիս մօտ եղած դաշտի ձիւնը ներկուեց ամենամանկատան, ամենագրեւելի հայերից մէկի արիւնով: 27 տարեկան մատնիչ և լրտեսը, որը անցեալ ամառ դնացած էր Պօլիս իւր եղբայրների դէմ տեղեկութիւններ տալու համար, ստացաւ իր արդար պատիժը. նա սպանվեցաւ օր ցերեկով: Գուցէ վճիռը այսքան խիստ չ'լինէր, եթէ մասնութեան վերայ չ'աւելանար մի ուրիշ մեղք սատկացրած լրտեսի կողմից: Սրիկայ վաշխաւուն շատ դիւզայիներ զրկեց իրենց մշակած արտից, հերկած հողից, և ահա, աղքատացած դիւղացու տեղ պատասխանը տուաւ հայ յեղափոխականը, և նշան Թարզիբաշեան վերացաւ մեր միջէն:

Նոյն խիստ և արդար պատիժն արժանացաւ Օգոստոսի վերջերում Գէորգ Զրաղեանը Վարագից վերագառնալու ժամանակ: Կառավարութեանը արած մատնութիւնների և ուրիշ մատուցած ծառայութիւնների շնորհիւ ազատուելով 15 ամեայ բանտարկութիւնէ, Զրաղեանը շարունակում է իր հին արհեստը, մայրուցանում է տեղեկագրեր Պօլսի բարձր աստիճանաւորներին, սկսած Սուլթանի անձնական քարտուղար Սէր Բեաթիբ Սարեան փաշայէն: Բահրի փաշան Վան կուսակալ նշանակուելուն պէս՝ նա էլ վերագառնում է հայրենիք, որ պակում է իր գործունէութիւնը, 150 - 200 յկասկածելի՝ անձանց ցուցակ ներկայացնելով տէրութեանը: Արեժխնդիր հրեշտակը վերջ տուեց և այդ գարշելի արտրածի կեանքին:

Տարին ազգի այս երկու դաւաճանների մահով չէր վերջանայ, եթէ նախախնամութիւնը քիչ ուրիշ կերպ չ'ընտէր: Սա երրորդ անգամն է, որ Թէրջիբաշեան Յարութիւն էֆ, այս հարուստ, ամենամեծ որմ հարստահարիչ, վաշխաւոր, ոստիկանութեան համամիտ և դաւ-



նակից, ուստի երիտասարդութեան կատարելի թշնամի, իր գործակից Տէր-Պողոսեան ՕՏանէսի Տետ ազատում են մահից: Այս հրէշ մարդկանցից ամեն ինչ կարելի է սպասել և շատ ափսոս որ Սեպտեմբերի 10-ի Տիրամօր թաղի մէջ կատարուած փորձը անյաջող անցաւ: Վէրքը, թէև ծանր, բայց մահացու չէր: Վէրքից ստացած հիւանդութիւնը երբէք չէ կարող քաւել նորա կատարած բոլոր կեղտոտութիւնները: Թո՛ղ դեռ սպասեն ուրեմն Թէրզիբաշեան և իր համախոհ-գործակիցները...

Նոյնը պէտք է ասել և Տիգրան վարժապետ Ամիրջանեանի մասին, որը ինքը իրեն դատապարտեց մահի, դաւաճանելով իր գաստիարակութեան յանձնած աշակերտներին:

Այ՛ո. Լրտեսները դաւաճանները արժանի են պատժի, արժանի են մահի: Արժանի են պատժի այն ամենքը, որոնք իրանց սեփական շահի համար զոհում են ընդհանրութեան շահերը, արժանի են մահի ամենքը, որոնք յետ-ի համար ոտնակոխ են անում մեր հարազատ Կոր արիւնն ու հոգին:

Մահի արժանի են պատերազմի դաշտից փախչողները, մահի արժանի են հայ բէնեգատները: Այսպէս, պետի սպանուէր և Կարթալան գիւղի բնակիչ բէնեգատ Մկրտիչը: Թուլահոգի, մարմնասէր գիւղացին չէ կամե՛նում տանել իր եղբայրների Տետ ընդհանուր ծանր Լուծը, նա տեղափոխվում է շամոքցի քրդերի մօտ և ընդունում մահաբեղանութիւն իր կնոջ Տետ միասին: Այս վարմունքը զգուշացրեց և կատարութիւն է յարուցանում բոլոր դրացիների սրտում, և նորա ազգական Իսաջանը ճանապարհ է ընկնում արժանի վարձատրութիւնը տալու: Գժբաղ դաբար բէնեգատ հայը տանը չէ լինում և դաշտնի հարուածների տակ ընկնում է միայն դաւաճանի կինը: Մինչև այսօր Մկրտիչը ծածկվում է հայերից, վախենալով մի գոցէ դուրս գալ մի նոր Իսաջան: Օսմանեան կառավարութիւնը, սպանողը չ'ըմանելով, բանտարկում է Կարթալանից Յ հոգի, ՚ի միջի այլոց և Մկրտիչի երիտասարդ որդուն, որը մ'նացել էր հայութեանը հաւատարիմ:

Աստուծականի յեղափոխականների կուրբ չէ բաւականանում միայն նդովեալ հայերով. նա տարածվում է մեր ժողովրդի թշնամիների մի ս մասի վերայ:

Հոկտեմբեր ամսին անաջող փորձ եղաւ սպանել քովիսէր Մէհմէդ էֆ. անունով թուրք ոստիկանին, որը իր հսկողութեան տակ դրած թաղերի ահ ու սարսափն էր:

Նոյն ամսին վիրահորվեց Խաչ փողոցի պօլիս նաբին:

Աւելի աջող ելք ունեցաւ մեծ քենդրիչի պօլիս շէյխ Հէյդէրի Նուրիի սպանման փորձը: Այս նուրին բնակվում էր հայ թաղի մէջ, ազատ ել ու մուտք էր անում հայ ընտանիքներում, գիտէր լաւ հայերէն և դէպքը բերած ժամանակ մեծ վնասներ էր բերում յեղափոխական գործին: Բացի դորանից, իբրև ազնուական, հողատէր և պաշտօնեայ, նա անզուսպ իշխում էր Սիկայ, Աամդ կերտ, Չոլականք, Սարմանգիւղ, Ռսկեգակ և այլ հարևան գիւղերում: Նուրին դարձել էր գիւղացիների գլխին նոր կեղեքիչ կառավարութիւն: Գիշակերի մարմինը կտոր կտոր արած դտան քաղաքի մի փողոցում,

և գիւղացիք ազատուեցան գոնէ այդ բռնակալ իշխանից: Բայց ահա Աստուծականի կեանքի մեջ վաղուց չը տեսնուած մի մխիթարական երևոյթ: Հայ գիւղացին, յոյսը կորելո կառավարութիւնից, իր ձեռքով է պատժում այն քիւրդ աւազակներին, որոնցից դարբեր ընթացքում նա սովոր էր միայն դողալ:

Քանի տարի է, ինչ Արաւանցի ազնուական ցեղից Շաքիր յայտնի աւազակը ազատ համարձակ գործում էր Շատախի, Նորդուզի, Հայոց Չորի, Առաճկանի կողմերում: Նա մի պատուհաս էր հայ գիւղացիների համար: Ընդդիմադրել Շաքիրին ոչ ոք չէր համարձակվում: Դա նոյն Շաքիրն է, որը իր եղբոր Տետ միասին սպանեցին Շատախցի Վուխսի Սահակին (տես Գրօշակի նախընթաց համարը): Նորա ասպատակութիւնները և աւազակութիւնները հասել էին այն աստիճանի, որ Տաճիկ կառավարութիւնը ստիպված եղաւ մինչև անգամ բանտարկել նորան, բայց, ըստ իր սովորութեան, շուտով արձակեց: Խրախուսվելով այս բանից, Շաքիրը ի հարկէ, աւելի է Լրբանում, և, ով գիտէ, էլ ինչեր պէտք էր կատարէր, եթէ նորա ղէմ դուրս չ'գար հայ գիւղացու նոր հոգին: Սեպտեմբերի վերջերին Շաքիրին իր 4 ընկերներով Առաւուռի ձորակի մէջ պաշարում են մի խումբ զինված հայեր: Արիւն երիտասարդները կուր մէջ կոտորում են բոլոր քրդերին, բացի իրան Շաքիրից, որը ազատվում է միայն իր լաւ ձիու շնորհիւ:

Ինչ ասել կուզէ, որ այս անսովոր դէպքը ոգևորել է հայերին չափազանց:

Տեսնենք, ինչ ազդեցութիւն կունենայ աւազակի վրա առաջի անգամ տեսած անախորժ ընդդիմադրութիւնը. կը զսպէ արդեօք Արաւանցի Շաքիրը իր աւերումները, թէ կը դառնայ աւելի վրէժխնդիր, ցոյց կը տայ մօտիկ ապագան:

Առասկալ Բահրի փաշան կատաղած դիմում է ամեն կողմ փէռօրիստներին դտնելու և աջ ու ձախ զուր ձերբակալութիւններ է կատարում: Հենց Ան ոտ դրած օրից նա բանտարկում է և հալածում բոլոր յկասկածելի՛ անձնաւորութիւններին, որոնց ցուցակը ամեն մի ըուպէ պատրաստ են ներկայացնել զանազան նշաններ, Չրաղեաններ, կամենալով մի հարուածով վերջ տալ մեր յեղափոխական շարժման: Բայց դորա պատասխանը եղաւ մեր կողմից Տիգրան Ամիրջանեանի, Չրաղեանի, Մէհմէդ էֆ., Նարիի, Թէրզիբաշեանի Տէր-Պողոսեանի, Նուրիի ղէմ արած աջող և անաջող փորձերը, Կարթալանի դէպքը և Շաքիրի խմբի կոտորիլը:

Չը նայելով, որ ամեն մի փորձից յետոյ բանտը լցվում էր նոր յկասկածաւորներով՝ ինչպէս, օրինակ, Թէրզիբաշեանի, Տէր-Պողոսեանի և Կարթալանայ ինդիւրների առթիւ բանտարկված են մ'օտ 20 հոգի (Պոլովեան, Փերոզեան...), Չրաղեանի սպանութեան ամբաստանեալ Յ. Քանքանեանի ծերունի հայրը, Նուրիի սպանութեան Գ. Թէրզիմազեան, Ռուբէն և Մանուկ Շատաղբեաններ, հացագործ Յար. Տէր-Բարսեղեան, Յ. Սահաթեան... մ'օտ 25 հոգի, Շաքիրի խմբի կոտորման՝ 15 Վաճէտցի երիտասարդներ, որոնց մ'օտ գտնված են 10 հրացան, - չը նայելով այս բոլոր ձերբակալու-

Թիւններին, չը նայելով այն ,, ահ ու սարսափին", որը տարածում է կուսակալը, նորա սպասածին հակառակ, յեղափոխական գործը վերջ չէ ստանում, այլ ընդհակառակը նա քանի գնում է, աւելի սուր կերպարանք է առնում. սպանման փորձերը կատարվում են մեծ մասամբ քաղաքի մէջ օր ցերեկով, և անհատական տէնօրը մեծ յաջողութեամբ փոխվում է խմբականի:

Միւս կողմից, կառավարութեան վերոյիշեալ խստութիւնները ճնշիչ ազդեցութիւն են թողնում ընդհանրութեան վրա: Ծանր է տեսնել բազմաթիւ երիտասարդ ոյժեր բանտում փթելիս, հալածուածներ՝ հայրենիքից դուրս տանջվելիս. ծանր է լսել իրենց միակ ապրուստ հայթայթող զաւակից զրկված ընտանիքների լացը. աւելի ծանր է այն, որ այդ բոլոր թըշուառութեանց գլխաւոր պատճառը հենց մեր արիւնակիցը, մեր եղբայրն է... Ծանր է այս բոլորը, սակայն մենք չենք վհատում, ապագայի յոյսը չենք կորցնում: Արդարացի գործը միշտ յաղթող կը հանդիսանայ: Հարցը միայն ժամանակի մէջն է...

**Ն Ա Մ Ա Կ Ա Լ Ա Շ Կ Ե Ր Տ Ի Ց**

Ձեզ, եղբայրներ, քաջ յայտնի է, որ առանց այն էլ մեծ հարկերը կը կրկնապատկին, երբ հարցը դոցա ժողովելուն կու գայ. յայտնի է անշուշտ, որ կառավարութիւնը, տարեց տարի աւելցնելով իր ծախքերը՝ այդ բոլորը կը բարձրէ գիւղացու վզին, և վերջինս կը ստիպուի պանդխտիլ ,,փարա"՝ ձարելու համար: Յայտնի է նոյնպէս, որ բացի անտեսապէս ժողովրդին քայքայող այդ զօրաւոր պայմանը՝ կան և ուրիշ մեզ մաշող հանդամանքներ, որք առաջ կ' գան կառավարութեան ապականութենէ: Այդն անգամ պիտ զգայ մեր ծանր դրութիւնը, քանզի տաճկական անարդարութիւնը մեր կենաց ամեն կողմերը կ' թափանցէ:

Ահա ձեր առաջ բանտարկուած և վերջին թշուառութեան են հասցրած մի քանի տասնեակ հայեր. ինչ է դոցա մեղքը. ինչու համար կ' տուժեն, դոքա: Այդ բանտարկութիւնների մեծ մասը կատարվեցան դեռ երկու տարի առաջ գաւառապետ Ահմէդ-բէյի հրամանաւ: Ահմէդ-բէյը ոմանց կ' մեղադրէ ուսաստանցոց հետ յարաբերութիւններ ունենալում, ոմանց իբրև խռովարար և յեղափոխականք, բանզի դոքա այն անձինքներէն են, որք Ալաշկերտէն Պայազիտ անցան Պարսկաստան գաղթելու նպատակաւ: Բարսեղ-աղա Զաքարեանը, Քաղէոս-աղա Պետրոսեանը, Հայրապետ-աղա Մուրադեանը, Յարութիւն և Սարգիս եղբարք Մուրադեանները, Գրիգոր Սուքիասեան, Աբրահամ Բրկեան, վարժարանի երկու ուսուցիչներ. Յարութիւն Դողոխեան և Գէորգ Մարզպետունի-բոլորը Ալաշկերտէն և շրջականերէն՝ Վայազէթի տանուտէր Աւետիսը, Համատ գիւղէն Մելիք և Յովնան եղբայրները ու մի քանի ուրիշներ, ահա այն զոհերը, որ մինչև այժմ կ' տուժեն բանտում:

Անցեալ դարնան բանտարկվեցան նախ Վաղարշակերտի բանտում և յետոյ Պայազէտ փոխադրվեցան Հաստուր գիւղէն 8 հոգի: Հարցէք ապա ինչու: Սորանից 16 տարի առաջ, հայ կին մը փախցնելու պատ-

ճառաւ սպանվել էին 2 քիւրդ. և ահա գաւառապետ Ահմէդ-բէյն այսօր այդ սպանութեան առթիւ մեղադրում, ներում է ում և որչափ կուզէ: Թշուառներից մէկը, չ' կարողանալով տանել բանտարկեալի կեանքը՝ վախճանուեց:

Մեծ ներութիւն կ' կրէ մեր ժողովուրդը և քրդերէն: Ներութիւնը կ' սաստկանայ առաւել ևս այն պատճառաւ, որ վերջին 2 տարիները կառավարութիւնը բաւականին քրդեր բնակեցրեց հայերի գիւղերում: Յայտնի է, որ վերջին պատերազմից յետոյ Ալաշկերտի և Բագրևանդայ գաւառներէն գաղթած հայերից մի մասը չ' վերադարձաւ իր տեղ: Չը նայելով սակայն, որ դոցա տեղը եկան և բռնեցին ուրիշ գաւառների հայեր, կառավարութիւնը սկսաւ հեռացած հայերի հողերը քրդերին բաժանել: Այսպէս. զիլանցի ցեղապետներէն Սելիմ փաշային իր ազգականներով տրվեցաւ Համատ գիւղը. նոյն ցեղի Ռասուլ-բէյին և ուրիշ մի քանի անձանց տուին Զիրայ գիւղի կալուածները. Հիւսէյն-բէյին՝ Քոփղոս գիւղը. Ռէհան-բէյին՝ Խրտր գիւղը. Ահմէդ էֆէնդուն Մանկասար գիւղը. իսկ Աբ. Յովհաննու վանքի սեպհական կալուածքի մի մասը Ռուսաստանից գաղթած Քաթիհ-բէյին տրվեցաւ: Քրդերը բնակվեցան հայերու մէջ և ամեն մի գիւղ յանձնվեց քուրդ բարբարոսներին. գայլը ընկաւ ոչեարի հօտի մէջ և անխնայաբար սկսաւ իր չարագործութիւններ. գողութիւն, աւազակութիւն, թալանումներ, որ առանց այն էլ մշտական երևոյթներ էին՝ աւելի ևս բազմացան. այդ բաւական չէ, հայը կը ստիպվի աւազակ քիւրդ աղաների և բէյերի համար ամեն անսակ ծառայութիւն անել. խուսափել այդ հարստահարումէն անկարելի է հոյու համար, քանզի անոր խոտը, ցորեանը, գարին կ' այրվին, անասունները կ' անհետանան. Բաւական է ասել, որ յուլիսէն սկսած՝ միայն Զեռկան գիւղէն մի քանի անգամից տարած են 40 եզ, 12 գոմէշ, 70 ոչխար և 60 կով... միւլտոյնը և ամեն տեղ:

Այս ամենէն սակայն շեղբափակիք, որ ալաշկերտցին բնաւ կորած է հայութեան համար. ինչքան և սուրկացած լինէր մեր մարդը, նա շատ աղէկ կը հասկնայ իր վիճակը և զանազան միջոցների կը դիմէ իր բողոքը արտայայտելու կամ իր վիճակը բարեկարգելու համար: Այդպէս՝ աշնանը յիշեալ գիւղեր 20 ընտրված մարդիկ ձամբեցին Պայազէտ նահանգապետին բողոքելու, բայց որոշ հետեանքի չը հասնելով՝ վճռեցին գաղթել: Բարձրելով ամեն ինչ սայլերի վերայ՝ նոքա ժողովեցան քնալ Վարին և ներկայանալ վալիին: Հոկտեմբեր ամսի ցրտերին էր, երբ մօտ 300 սայլերով գիւղացիք, գիւղեր ցերեկ բաց երկնքի տակ անցկացնելով՝ ճանապարհ ընկան դէպի Վարին... Սակայն վիճակված չէր դրանց Վարին հասնել: Կառավարութիւնը, պատրուակ բերելով խօլերայի առիթով իբր թէ կարգած կարանտինը՝ Վարնէն ուղարկած զօրքի ոյժով ստիպեց գիւղացոց իրենց վայրերը դառնալ և նախկին թշուառ կեանքը շարունակել:

Բայց օրինական բողոքները և երկրէն գաղթելը միակ միջոցները չեն, որոնց կը դիմէ ալաշկերտցին իր



ներկայ վիճակի մէջ: Նոր սերունդը, իր զգալուն երիտասարդներով նոր ճանապարհներ կը գտնէ, նոր շահիղներ կը բացէ դէպի իր դրութեան բարեփոխումը. գուցէ նոյն իսկ շատ և շատ հեռու էէ այն օրը, երբ իսպառ մոռացվին հին միջոցները: Եւ իրաւ անկարող լինելով գոհացում տալ քրդերի բոլոր պահանջներին, ժողովուրդը սկսած է աղմուկ բարձրացնել և իր թշնամիներին դիմադրել: Հայ գիւղացին սկսել է խոտորնակին խոտորնակը հատուցանել... Գիւղական երիտասարդութիւնը շատ տեղերում ոչ միայն դիմադրում է քրդերին, այլ և նոցա խաղաղացնելու համար ինքն է սկսել յարձակումներ գործել այդ աւազակաց վրա: Ահա ձեզ երկու օրինակ: X. գիւղի երիտասարդները զանազան ժամանակներ, քրդերի հասցրած ֆիասներին փոխարէն՝ կը քշեն նոցանից 18 եզ, կով և կ'այրեն 17 խոտի գէզ, 170 սայլ արմտիք: N. գիւղի երիտասարդները օգոստոս ամսին կ'այրեն իրենց շրջակայ քրդերի 100 սայլ արմտիքը, իսկ հոկտեմբերին 4 կոտրիչ տղերք՝ մի գիւղի վրա գնալով, հրացանի դնտակներէ տակ սարսափի մէջ կը ձգեն քրդերին և նրանց ամբողջ հօտը կը քշեն: Սակայն անկարող լինելով ամբողջ հօտը թաղցնել, կտրիճները կը դատեն հօտից 25 գեր մագի և գիւղը հասցնելով՝ ամենը կը մորթեն:

Այս կերպ կ'ընթանան և այլ գիւղերի երիտասարդները, ու միանգամայն ուրախ սրտով և ամենայն համարձակութեամբ պիտ նկատուի, որ այս ձևով մենք հասած ենք, անկասկած, զգալի հետեւանքների, քրդերը իրեն հասցրած ֆիասների առաջ ստիպված է դգոյշ լինել դէպի հայերը, իր անելիքները ամեն անգամ սկզբնական նախահաշուի մը ենթարկել:

Ոյժ տուր մեզ, արդարացի Աստուած. համերաշխութիւն և եռանդ ներշնչիր քո պատուէրները պաշտպանողներին. դարերով լուծած ժողովրդի սրտում, ո՞վ թշուառների Աստուած, գոնէ մի անգամ լայն բոցով վառիր վրէժխնդրութեան կրակը...

Ն Ա Մ Ա Կ Մ Շ Ի Յ

Մեր երկրից սովորել էք միշտ լացի, հառաչանքի և յուսահատութեան ձայներ լսել. իմ նախկին թրղթակիցութիւններս էլ իբրև արձագանք մշեցիների կեանքի, ոչ այլ ինչ էին, իթէ ոչ ստրուկ և լքված ժողովրդի տառապանքների լուկ նկարագրութիւն... Այսօր ես ինձ երջանիկ եմ համարում, որ կարող եմ աւետել ի գիտութիւն մերայնոց, որ ճնշված, մաշված և յուսաբեկ մշեցի ևս կ'ձգնէ, ըստ կարելոյն, իր աղքատիկ լուծման մատուցանել ժողովրդի ինքնապաշտպանութեան գործին: Աերջերս, այստեղ-այնտեղ, բուն ժողովրդի խորքերից, սկսում են հանդէս գալ անձուէր կտրիչներ, որոնք անկարող լինելով այլ ևս դիմանալ միացեալ քրդերի և տաճիկ վարչութեան հալածանքներին, թողնում են իրենց յիսաղաղ կեանքը, տունը, ընտանիքը և անձնատուր լինում ժողովրդի պաշտպանութեանը:

Ահա առիկ ձեզ մի քանի փաստեր:  
Մ ա տ ն ի չ Կ Ր Վ Օ Յ ի ս պ ա ն ու մ ը .

1892 թ. Սեպտեմբեր ամսին, 6 հոգուց բաղկացած մի հրոսակային խումբ՝ առաջնորդութեամբ ալիզընանցի Լ և ո ն երիտասարդի, մտաւ Ալիզընան գիւղը և գնտակի 3 հարուածով շան սատակ արնց գիւղի ուես, մշեցիներին քաջ յայտնի մատնիչ Արպոյին: Չգեւով սպանված Արպոյի բովը մի թղթի կտոր՝ յԱյս է մատնիչի վերջը՝ խօսքերով և մի քանի դատարկ փամփուշտ, խումբը հեռանում է գիւղից: Մի կողմ թողնելով սպանված ուեսի Մշոյ վարչութեանը արած բազմաթիւ ծառայութիւնները, այստեղ կը յիշատակեմ մի միայն ամենից վերջինը: Սորանից 10օր առաջ ուես Արպոյն գնում է Մուշ և յայտնում վարչութեան, որ վերոյիշեալ Լևոնի եղբայրը կը շրջէ ժողովրդի մէջ և կը քարոզէ ապստամբութիւն, որ շուտով սա իր ելբօր Լևոնի հետ սկսելու են կոտորել տէրութեան հաւատարիմ մարդոց և այլն:

Հաւատարիմ Արպոյի սպանման լուրը Մուշ հասնելուն պէս՝ կողարկվի այստեղից Ալիզընան մի գունդ զօրք և մի քանի ոստիկան: Ալիզընանում շղթայակապելով Լևոնի ծերունու հօրը և ուրիշներին, զօրքը անցնում է այնտեղից շրջակայ գիւղերը, որոնք նոյնպէս ենթարկվում են ամենախիստ խուզարկութեան: Տաճիկ գաղանաբարոյ զինուորների խուզարկութիւնները կատարվեցին, ինչպէս և միշտ, կրքերի անզուսպ արատայայտութեամբ: Կատաղած զինուորները, առանձին շարախնդութեամբ թափեցին իրենց զարոյթը մանաւանդ Ք ե Ր Ղ ա կ գիւղի վերայ: Այս գիւղը այն օրից յետ, երբ ձերբակալվեց այստեղ նշանաւոր Ա Ր Վ Օ աւազակը, յայտնի է Մշոյ վարչութեանը իբրև յեղափոխութեան բուն, կենտրոն: Բունելով այստեղ Առաքելեաց վանքի ջաղացպան Յարութիւնին, կապում են նորա ձեռքերը, ոտքերը, սեղմում են ամորձիքները և սկսում շարաշար գանակոծել. չը բաւականալով ստրանով խեղճ Յարութիւնին նստեցնում են մի սրածայր փայտի վերայ... Նոյն տեսակ բարբարոսական շարժարանքներին ենթարկում են և հետեւեալ անձանց. ջաղացպան Թաթօյին, գիւղապետ Յարոյին, գրագիր Պետրոսին, ծերունի Տնօյին և այլն... իսկ գիւղի Տէր-Օհանէս քահանային, ծեծելով և խայտառակելով, տանում են եկեղեցի և այնտեղ բունի թքեցնել են տալիս սբ. Խաչի և պատկերների վերայ: Այստեղ ես էլ չեմ յիշում գիւղացիների գոյքի կողոպտման, կանանց և աղջկերանց անպատվելու մասին. սղբա սովորական չարիքներ են մեղանում:

Չը նայած այս դժոխային շարժարանքներին, որոնք տեւեցին ամբողջ 4 օր, ոչ մի մարդու բերանից դուրս չը թռաւ մատնութեան մի խօսք անգամ...

Բերդակ գիւղը աւերելուց յետ, թուրք զինուորները կանցնին Առաքելոց և Աղբերիկ վանքերը, Խասգիւղ, Քօլօսիկ և այլ գիւղեր, ուր տեղի կուսնան նոյն խուզարկութիւններ և նոյն խստութիւններ, նոյն ապարդիւն հետեւանքներով:

Աերոյիշեալ խումբը կը պտտէր խուզարկվող գիւղերի մօտերը, գրեթէ զինուորների քթի տակ:

Մ օ լ լ ա Խ ու ը շ ի դ ի ս պ ա ն ու մ ը .

Այս դէպքից մի քանի օր անց մի շար և մոլեռանդ տաճիկ, Մօլլա Խուրշիդ անունով, կառավարութեան թելադրութեամբ կուղարկվի Սասնոյ Գալիկուզան գիւղը խաբէութեամբ (կառավարութեան մարդ չի համարձակվիլ ոսք կոխել Սասուն) այնտեղից հէքիմ Պետոյին բերելու Մուշ՝ այստեղ նորան բանտարկելու նպատակով: Այս ժողովրդին սիրելի հէքիմ Պետոն կը քարոզէ միշտ բացարձակ անհնազանդութիւն դէպի կառավարութիւնը և վրէժխնդրութիւն դէպի բոլոր թշնամիները: Աերոյիշեալ Մօլլա Խուրշիդին ոչ միայն չը յաջողվեց խաբել հէքիմ Պետոյին, այլ և ողջութեամբ վերադառնալ Մուշ. Տէրնկատար լերան մօտ մեր ծանօթ բաջերը գնտակահար արին այս տաճիկին և ուղարկեցին ուէս Կրպոյի քով:

Ա խ ն ա ն ց ի Ս ե ռ օ վ բ ի ք ա ջ ա գ ո ը ծ ու թ իւ ն ը և ն ո ը ա մ ա հ ը .

Հոկտ. 7-ին Աննան գիւղի Սերովբէ անունով երիտասարդը 4 ընկերներով կերթալ 2ուխուր փայտ բերելու: Յանկարծ կը յարձակվին սորանց վերայ 4 զինված քրդեր և կուզեն խլել եղները: Սերովբէ, չունենալով ուրիշ զէնք, բացի փայտից (ինչպէս յայտնի է, հայերին խստիւ արգելված է հասարակ զէնք անգամ գործածել), որ բռնած կունենայ ձեռքին, կը զարկէ այս փայտով քրդերից մէկի գլխին և կը յափշտակէ նորա հրացանը և սուրը. սակայն քիւրդի ընկերները թող չեն տալիս Սերովբէին գործարկել խլած զէնքը, անմիջապէս կը պարպեն իրենց հրացանները և կը սպանեն քաջ Սերովբէին:

Ողջոյն ձեզ, Մշոյ ժողովրդի ազատութեան անվեհեր, մարտնչող առաքեալներ...

Ն Ա Մ Ա Կ Կ Ո Վ Կ Ա Ս Ի Ց . Թիֆլիզ:

Խաղաղ հանգամանքներում չ' սկսվեց նոր տարին Կովկասում հայ ազգաբնակչութեան համար:

Գեղամեքերի 27-ին հայ ժողովրդի բոլոր դասակարգերը իրանց վերջին հրաժեշտը տունին համարձակ և ազնիւ հրապարակաօս Գ. Արծրունուն: Տապնակ հաղարներից բաղկացած ամբողջ արժանաւոր կերպով վարձատրեց այն մարդուն, որը ծառայում էր դաշափարին ընդունում քննադատող ոգին, որպէս հիմք բնական և հասարակական հարցերում: "Ներկայ գտնվողներից շատերը տաղանդաւոր հասարակական գործիչի դափաղի առաջ մոռանում էին այն խնդիրները, որոնք հանգուցեալի կողմից սխալ կերպով էին հասկացվում: Արծրունին դիտէր, որ Եւրոպայի օժմեան առաջնակարգ կուսակցութիւնները չեն ընդունում անհատականութիւնը, որպէս կազմիչ - հիմք հասարակական կեանքի: 18-որդ դարու անհատի և խղճի ազատութիւն դաւանողն և պաշտպանողը համարիտ էր Եւրոպայի դեմօկրատիական կուսակցութեան՝ թէ մարդկութեան թշուառութիւնը կայանում է "հարստութեան և աղքատութեան", " իշխանութեան և հպատակութեան" մէջ: Արծրունին չէր դաւանում, որ անհատի և հասարակութեան վերածնութիւնը և երջանկութիւնը կ' ա-

պահովուեն միայն այն ժամանակ, երբ կեանքը հիմնուած կը լինի աշխատանքի և նիւթական հաւասարութեան վերայ: Մեծ հրապարակաօսը, որպէս եւրոպացի ազատամիտ չէր ընդունում, որ 19-որդ դարը բարձրացրել իսկ մօտիկ ապագան իրագործելու է հասարակական կազմի փոփոխութիւնը եղբայրական և համայնական սկզբունքների հիման վերայ:

Այնուամենայնիւ Գր. Արծրունին ամենազնիւ և ամենաառաջադէմ գործիչներիցն էր: Նամանաւանդ կորուստը զգալի է մեզ համար, որովհետև հանգուցեալը կարելիութեան շափ արծարծում էր մեզ ամենիս հետաքրքրող խնդիրը. Տաճկահայաստանի ազատութեան ծանր հարցը:

Աչնիւ և համարձակ գործիչ, ընդունիլ և հայ յեղափոխականների կողմից այն վիշտն ու յարգանքը, որը արտայայտեց հայ հասարակութիւնը դադարիդ առաջ:

Արծրունու թաղումը կատարվեց հանդիսաւոր կերպով, ինչպէս դեռ ոչ ոք չէր թաղվել ոչ միայն Կովկասում, այլ և ամբողջ Ռուսաստանում: Հանդեսը աւելի մեծ նշանակութիւն ստացաւ կառավարութեան բռնած ընթացքից: Ամսի 26-ին թաղման նախօրը օրը ստիկանապետը պահանջեց, որ հանդեսը անցնի Լօրիս-Մելիքեան փողոցով ( և ոչ Գօլօվիկսկի պրոպագանդ ) և պսակների համար ունենալ միայն 2 դրակառք իսկ վերջը, զիջանելով կարգադրիչ մասնաժողովի խնդիրքին, թողատրեց ունենալ 7-ը: Ոստիկանապետի միջամտիլը այդպիսի մասնաւոր խնդիրներում վատ ներդրածութիւն ունեցաւ ժողովրդի վերայ: Ամենքը զարմանում էին տեղական վարչութեան կամայական վարմունքին, և ընդհանուրի ցանկութիւնն էր շնթարկվել պ.պ.նահանգապետ Շերվաշիձէի և ոստիկանապետ Մաստիցկու անտեղի պահաջներին: Այդպէս էլ եղաւ: Երբ հանդիսի սկիզբը հասաւ Բարեատիսկայա և Լօրիս-Մելիքեան փողոցի անկիւնին, տեղի ունեցաւ մի Թիֆլիսում չը տեսնված դէպք:

Ամբողջ կանգ առաւ աղտեղ: Ոստիկանները և 4 հատ ձիաւոր կազակներ ստիպում էին համբերի դրօշակակիրներին, տիրացուներին և քահանաներին ծռել դէպի Լօրիս-Մելիքեան փողոցը. իսկ ամբողջ հաւաքվելով և բռնելով Լօրիս-Մելիքեան փողոցի բերանը, աշխատում էր անցնել դէպի առաջնակարգ փողոցը: Ոստիկաններին և կազակներին սկզբում յաջողվեց սրել ամբողջը և դրօշակակիրներից շատերին, մի քանի տիրացուների հետ ուղղել դէպի իրենց կարողութեամբ կողմը: Ամբողջը տեսնելով այս, աւելի ոգևորված խմբվելով նորից փակեց փողոցի անցքը: Այդհարումը սաստկացաւ: Ազգականները, շփոթները թնդացնում էին օդը: "Առաջ, առաջ" գոչումները խլացնում էին ոստիկանների պահանջները և հայհոյանքները: Պրիստամիները ( առաջ ոստիկաններից ) մէկը, Սվիմօնով ազգանունով, մօտեցաւ խաչվառը տանող տիրացուին, խլեց ձեռքից խաչվառը և կամեցաւ առաջնորդի դեր կատարել, ծռելով դէպի Լօրիս-Մելիքեան փողոցը, սակայն յայթանդամ " տրակտիրէի Գրիշան" (Գրիգոր Յակովբեան) յարձակվեց խաչվառը խլող ոստիկանի վերայ, ոյժով



առաւ. եկեղեցական սրբութիւնը և անցաւ ժողովրդի առաջը: Բազմութիւնը առաջ մղեց հոգևորականներին և դազադի Տևա միասին անցաւ պալատական փողոցը: Անընդհատ յաղթական ու ռանները, գլխարկների ծփալը օդի մէջ, մի տեսակ ներդաշնակութիւն էին կազմում ամբոխի միահամուռ շարժման հետ:

Այդպիսով հանդէսը առաջ շարժվեց, անցաւ կառավարչապետի պալատի առջև և ուղղվեց դէպի Խօջեվանքի գերեզմանատունը: Ճանապարհին աչքի էին ընկնում Ալիբի մէյդանի և բաղալները(մորգավաճառների) փողոցում շինված սգույ կամարները:

Հետևեալ օրը անսպասելի կերպով նահանգապետի կարգադրութեամբ սկսվեցին ձերբակալութիւններ: Աերջը իմացվեց, որ ոստիկանապետի մօտ կայացել է գաղտնի ժողով, որը և կազմել է ձերբակալվողների ցուցակը: Բանտարկվեցան մօտ 20 հոգի: Բացի 6 հոգուց, որոնց տարան Մետեխի բանտը, մնացածներին զատ զատ պահում էին ոստիկանատներում: Շատերն(ի միջի ալոց մի քանի վրացի) թէպէտ չէ բանտարկվեցան, բայց արժանացան յանդիմանութեան և տուգանքների կառավարութեան կողմից:

Ռուս վարչութեան բռնած ընթացքից երևում էր, որ հանգամանքներին շատ լուրջ նշանակութիւն էր սերվում: Տէրութեան վախը աւելի ևս սպստկանում էր բազմաթիւ անստորագիր սպառնացող նամակներից: Աբրահան պաշտօնեաններից շատերը համոզված էին, որ ջրօրհնեաց հանդիսին կարող է պատահել արիւնհեղութիւն. խօսվում էր, որ կառավարութեան աներից մէկը նոյն օրը պայթելու է, որը և կը լինի ապստամբութեան նշան:

Այն ինչ ժողովուրդը, ապշելով տէրութեան ձեռք առած միջոցներին և կարծելով, թէ գործը աւելի խիստ կերպարանք կ'ստանայ բանտարկեալների վերաբերմամբ սրտի մօտ ընդունեց վերջիններիս վիճակը, ամեն կերպ աշխատում էր ազատել նոցա և պատրաստվեց արտօման դէպքում նիւթապէս ապահովել հայրենիքից հեռացրածներին:

Չը շնորհարեւոյով քաղաքադիտին Ծննդեան օրը, համբերները դորանով կամեցան իրենց բողոքը յայտնել քաղաքագլուխ պ.Արդուտինսկուն, որը բանտարկեալների վերաբերմամբ չեզք գիրք էր բռնած:

Անճիշդ լուրերի հիման վերայ Պետերբուրգից կարգադրութիւն եղաւ Ջրօրհնեաց օրը կրկնապատիկ զօրք դուրս բերել հանդիսին և զինուորներին փամփուշտ բաժանել: Տեղացի դրուժինաների հաւատարմութեանը կասկածելով, վարչութիւնը բաժանեց դոցա դատարկ փամփուշտներ: Միևնոյն ժամանակ վարչութիւնը հրամայում է կրկնապատիկ ռոտիկանների թիւը թատրոնի մէջ հայոց ներկայացումների ժամանակ, իսկ պ. Շերվաշիճէն պահանջում է քաղաքագլխից, որ համբերներին մասնակցութիւնը այս կամ այն հանդէսին կատարվի միայն նահանգապետի թոյլատրութեամբ:

Սակայն Յունվարի 6-ը անցաւ առանց որ և է պատահարքի:

Ժողովրդի յուզմունքը աւելի ևս սաստկանում էր կա-

ռավարութեան խաբեբայ խոստումներից՝ թէ յայտարարում վաղը կ'արձակենք<sup>11</sup>: Յունվարի 13-ին աղատեցին ոստիկանատներում եղողներին, իսկ 29-ին նոցա, որոնք պահում էին Մետեխում:

Ռըափ Դեկտ. 27-ի ընդհարումը պէտք է վերագրել Արծրունու թաղման առթիւ կատարված կամայականութեանց, նոյնպիսի և այն անբաւականութեանը, որը տիրում է Պովկասի ազգաբնակչութեան մէջ շնորհիւ Ռուս պետական ընթացքին: Այս անգամ ժողովրդի համբերութիւնը կտրվեց, և հազարաւոր ամբոխը ընդդիմացաւ տեղական վարչութեան անտեղի պահանջման:

Եթէ նոյն իսկ այս դէպքում տեղի ունենար և արիւնհեղութիւն, թափած արիւնը կը լինէր Սուրբ արիւն, սպանվածները՝ նահատակներ...

Լ Ա Ի Բ Ե Բ

Մ Ա Ի Շ. Դեռ 90 թուին Արդենիսի դէպքի առթիւ 12 հոգու հետ բանտարկված էր Հասրաթ Մահտեսի-Մելքոնեանը: Մօտ տարի մը անց Հասրաթին կը յաջողի փախչիլ, իսկ մնացեալ կտրիչներէն Յովհաննէս Մելքոնեանը և Մուրադ Յարոյեանը բանտում վախճանեցան: Հասրաթի փախչելէն 2 ամիս յետ, երբ նա ծպտեալ կերպով կրկին Արդենիս կը գտնվէր՝ 25 զապտիաներ անոր ձերբակալելու կու գան: Հասրաթը զափաղ լու հրացանով մը կը պատռէ անոնց շղթան և անվնաս կ'անհետանայ: Մ'անցնին օրեր, ամիսներ: Հասրաթը իր հայրենակից քաջ Ասատուրի հետ կ'երևան Փակաուլու գիւղը, ուր Հասրաթի եղբայր Աւետիսի և երբեմն Մուշախէն գիւղի ռէս Մարգար Թորոսեանի հետ մտերմանալով՝ բաւականին երկար ժամանակ շարունակ կը մաքառին տաճիկ կառավարութեան դէմ: Սակայն 3 ամիս առաջ, երբ Ասատուրը և Մարգարը Մուշախէն գիւղը կը գտնվէին, մասնիչների շնորհիւ յանկարծ կը շրջապատվին զուպտիաներով: Անվհեր Ասատուրը, չ'կամենալով անձնատուր լինել՝ կը սպանէ զապտիաների տասնապետին և բացված կռուի մէջ ինքն էլ կը նահատակվի: Միաժամանակ՝ Հասրաթը և Աւետիսը դէպի Մուշախէն ձանապարհի ըլլալով, բուքի կը հանդիպին և կը ստիպվին Աթալբաշիդ քիւրդ գիւղը մտնել, ուր կը ձանաչվին և կը բռնվին:

Մեր գիւղերէն մէկում պատանի տղայ մը ձերբակալված էր. սպառնալիքներով և ծեծելով անոր ստիպել էին բոլոր իր ծանօթների անունները յայտնել: Մենք այդ արդէն կը գիտնայինք և կը սպասեինք խուզարկութեանց: Սակայն մինչ օրս մարդ չէ տուժած այդ ցուցմունքներէն: Իմացվեցաւ, որ կառավարութիւնը չէ ուզէր գրգռել զմեզ՝ յաճախակի ձերբակալութիւններ ընելով:

Մ Ա Ս Ա Ի Ն. Սասնոյ հարկատու մասից, ուր 2-3 տարին միայն մի անգամ են կառավարութեանը տուրք վճարում՝ աշնանը Մուշ են կանչվում գիւղական ռէսները հարկ պահանջելու համար: Աղբի, շիթիք, եղկարդ և այլ գիւղերի ռէսները չեն գնում. կառավարութիւնը կատարում և զօրք է ուղարկում այդ գիւ-

ղերի վերայ, բայց գիւղացիք զէնքով զիմադրում և քշում են զօրքին: Այդպիսով Սասնոյ ազատ մասի վրայ կրկին մի քանի հայ գիւղեր աւելացան:

— Բսանաց գաւառի Խնձորիկ գիւղը կառավարութիւնը 7 զինուոր էր ուղարկել իր պէտքերի համար ջորիներ պահանջելու: Գիւղացիք մերժում են այդ պահանջը և ահա Խնձորիկ է գալիս դաժամագամը մի ամբողջ գնդով: Խնձորեկցիքը զիտեմալովոր իրենց մերժումը պիտի զայրացնէ գաժամագամին՝ վաղօրք պատրաստված են լինում, և դունդը երևալուն պէս՝ գաժամագամին ողջունում են վառօրի մի աշնայիսի կրակով, որ նա իսկոյն յետ է մղվում իր բոլոր զինուորներով:

— Աղբի գիւղում գաժամագամը մի հայ էր ձերբակալել. գիւղից դուրս տանելիս՝ պատահում են դրան 2 համագիւղացիք և ստիպում են գաժամագամին արձակել նորան:

Վ Ա Ն. Սի ցաւալի լուր: Վասպուրականի ճանապարհներից մէկի վերայ մեր զինակիր խումբը, որ յատկապէս զէնքեր էր փոխադրում նահանգում, նորերս ընդհարում ունեցաւ քրդերի հետ: Վատաղի կուռում խումբը կորցրեց 3 անձնուրաց ընկերներ: Թշնամիները տուին մի վիրաւոր և երկու սպանվածներ:

Ք Ա Ի Ր Ի Չ. Տաճիկ կառավարութիւնը լրտեսներ է ուղարկել մեր կողմերը՝ Բահրի փաշայի ձեռքից փախած և այստեղ ապաստան գտածներին որոնելու և ձերբակալել տալու:

— Մէկը միւսից սարսափելի լուրեր ենք ստանում Վանից: Բանտը լիքն է քաղաքական գործերում մեղադրվածներով: Բանտարկեալներին անտանելի տանջանքների են ենթարկում:

— Կուսակալ Բահրի փաշան բերել է տուել Վան Կողուլի ձորում նահատակվածների կտրած դիակները և հրամայել, որ ձողերի ծայրերին անցկացրած՝ պտտացնեն Վանայ փողոցներում . . .

Ք Ի Ք Լ Ի Չ. Արծրունու թաղման առթիւ ձերբակալվեցան հետևեալ անձինք. Չաւարեան (ագրօսով) Մալուժեան և Տէր-Մարկոսեան (Սաշակի՝ աշխատակիցներ), Դաստակեան (Սաւակաղի՝ աշխատակից), Տէր-Գրիգորեան (Թիֆլիսի քաղաքացի), Միրզոյեան և Լիսիցեան (Սաղբիւր՝ ու՝ Սարաղի՝ աշխատակիցներ), Արէլեան (դերասան), Փիրադեան (ուսուցիչ), Օքոյեան, Տէր-Յովհաննիսեան, Գնունի, Դաւթեան, Դանդուրեան (վաճառական), Միրիմանեան, Յակովբեան (տրակտորչիկ), Տէր-Մկրտչեան, և Մկրտչեան: Չաւարեան, Մալուժեան, Միրզոյեան, Փիրադեան և Տէր-Գրիգորեան 1 ամիս իսկ միւսները 2 շաբաթ:

Ք Ի Ր Ո Պ Ա Կ Ա Ն. Թերթերում կարգում ենք.

— Մարտունում և Կեսաբեայում տեղի են ունեցել ժողովրդական մեծ յուզումներ: Բազմաթիւ մարդիկ են ձերբակալված:

— Հայաստանից ստացած լուրերը դարձեալ չափազանց յուզիչ են: Շարունակում են տեղի ունե-

նալ արիւնահեղ ընդհարումներ քրիստոնեաների և մուսուլմանների մէջ: Վառախարութիւնը, երկիւղ կրելով ընդհանուր ապստամբութիւնից, հրամայել է աւելացնել զօրքերի թիւը:

Կ Ո Ւ Ռ Ի Լ Ի Ն Ա Հ Ա Տ Ա Կ Ն Ե Ր Ը

Տաճիկական անսահման ճնշումները, բանտերում գործադրվող միմիայն Արևելքին յատուկ, մինչև խելագարութեան և մահացման աստիճանին հասցնող յիսուսողանացնելու՝ ձևերը, քիչ չեն նպաստել երիտասարդների մի յայտնի դասակարգի երևան գալուն, դասակարգի, որը ներկայումս ասպարէզ է դուրս գալիս, իբրև որոշ կազմակերպված ոյժ, որի գործունէութիւնը չէ կրում այլ ևս պատահական կերպարանք:

Երիտասարդների այդ դասակարգին էին պատկանում և Կողուլի ձորի մէջ նահատակվածները:

Չնդանը թողած դարբինը, ասեղը ձգած դերձակը պատահական անձինք չէին Կողուլի ձորում. առաջին անգամ չէին անցնում դոքա այդ ճանապարհով, ձորերի վտանգը անակնկալ երևոյթներ չէին դոցա համար. ամեն մէկը դոցանից մի անգամ, երկու անգամ չէ իր կեանքում հանդիպում այդ տեսակ վտանգների:

Դոքա նրանցից են, որոնք այրել են իրենց յետևից բոլոր նաւերը, որոնք յգլխից ձեռք են վերցրել, որոնք թողնելով ընդմիշտ օրինական կեանքը, հրաժարվելով ապրուստի կարօտ թանկագին ծնողներից, սիրած էակներից, ընդունել են հայրենիքի ազատութեան ծանր խաչը և գիտակցաբար ընկել փուշ ու տառասկով պատած յեղափոխական ճանապարհի վերայ . . .

Ուշագրութեան արժանի են այդ սուսու փուս, առանց աղմուկի գործող երիտասարդները: Արտաքին տեսքից դժուար է դրանց ճանաչել: Դժուար է կասկածել, որ այդ ըստ երևոյթին սառը սրտում եռում է վրէժ-ինդրութեան կրակը, որ այդ կասկածոտ, երկոտ հայացքով մարդը թապցրած է իր մէջ հոգու անվեհեր ոյժ, որ նա պատրաստ է իւրաքանչիւր րոպէ զոհել իր կեանքը գաղափարի համար: Բայց դրանց հետ քիչ թէ շատ շփվողը չէ կարող չը ճանաչել, չը սիրել այդ անձուրաց երիտասարդներին:

Կողուլի ձորում նահատակվածների յիշատակը դեռ երկար ժամանակ վառ կը մնայ դրանց ընկերների և ճանաչողների սրտում: Նամանաւանդ դժուար է մոռանալ դոցանից մէկին, դարբին Ղազարին, այդ շափազանց համեստ, լուկ մնջիկ, տոկուն յեղափոխականին (նորա մասին տես Դրօշ. 2 համարը):

Իրական կեանքի ծնունդ են դոքա բուն ժողովուրդըն է արտադրում, ոյժ, սնունդ տալիս դրանց. նորա իսկական ցաւերն են դրանց մէջ ոգի, եռանդ ներշնչում . . . Սա արդէն ամենալաւ ապացոյց է մեր յեղափոխական գործի ժողովրդականութեան, նորա յարատեւութեան և յաջողութեան . . .

Դաշնակցութեան անձանօթներից խնդրվում է թըղթակցութեան և նուիրատուութեան համար դիմել:

Docteur Longo. 12, rue de Puteaux. Paris.